

*Arist. H. A.* 1. 5. c. 17. lent inter se depugnant, istis cum aliis, quod denique vere et autumnopartum operculum exuant. *Ufas.* *In Cibo* laudantur plenilunio, quia *Plin. H. N.* 1. 9. c. 37. sydus tepido fulgore mitificat tempore verno et autumnali, et cum uterum gerunt. Grati sunt saporis, sed durae carnis, ideo coctionis arduae. In *Medicina*, ad canis rabidi morsum, tabem, et fervidorum humorum deustionem conferre, Lemnius tradidit. *Athen. Di-pros. l. 3.* *Lem. de Oc-cult. Natur. l. 3.*

## TITVLVS II.

## DE CRVSTATIS IN SPECIE.

## CAPVT I.

*De Crustatis caudatis.*

## ARTICVLVS I.

*De Locusta.*

**TAB. II. 1.**  
**Nomen.** Crustata in Caudata et Rotunda optime dividemus. Illa sunt, *Locusta*, *Astacus* et *Squilla*. *Locustam* Isidorus, a pedum longitudine dici putat. Graecis est *καράβος*, *παρά τὸ τῇ καράβῳ*, quod capite incedat, vel eo sit multum prominente, *καράβις* apud Trallianum, Hesychio et Varino *Ἀγίληρος* a caudae motu, *καβαίρεος* et *κηραφίς*. Ab aliquibus *γραφαῖοι*, ab aculeis, *πρὸς τὸ γραφέν καὶ χαράττεν*, id est, ad scribendum et sculpendum idoneis. Aristophanis scholiae *παγέρες τὰς παρ' ἡμῶν καράβους* exponit. Hirto asperoque sunt corpore.

**Descriptio.** Duo eis ante oculos cornua magna, initio aspera et aculeata, deinde rotunditate praepilata, (*κέντρα* Oppianus et Aelianus, Aristoteles *κέρατα*, nos antennas vocamus) in exortu crassissima, quae paulatim magis ac magis ita gracilesunt, ut tandem tenuissimum cirrum definant, in omnemque partem pili instar flecti possint. *Oculi* cornei semper prominentes, et, exerti, in obliquum mobiles, aculeis acutissimis firmissimisque utrinque tanquam propugnaculis muniuntur. Oris lateribus additae appendiculae tanquam parvi pedes ad tutelam. *Dorsum* asperrimum est et aculeatum, velut e fronte aculeus magnus eminet. In lateribus *branchias* habet veluti e pilis coagmentatas, *pedes* utrinque quinos annumeratis extremis chelis, quas Gaza modo forcipes denticulatos modo brachia forcipata interpretatus est: flectunt eos in obliquum, ut chelas introrsum. *Cauda* laevis et fine aculeis ex quinque tabellis contexta, in pinnas quinque definens, natandi causa, ei tanquam remo innititur, et in ea totius corporis robur situm est, quod experieris, si ea parte *Locustam* apprehendas. *Dentes*, habent primores binos majusculos et *gulam* ante ventrem exiguum, in quo nonnulli dentes, et similis muti humor. *Cor* ex nigro rufescere observavit Bellonius. Mare cum excipiunt ore, transmittunt id ad suas branchias, quarum plures quam alia crusta intacta obtinent. Praeterea *meatus* pectoris dependet usque ad exitum excrementi: is pro vulva foeminae est: genitale vero semen continet in manibus. Jacet autem in concavo carnis, ita ut interjaceat caro. Nam intestinum ad partem curvam situm est, meatus ille ad cavam; non alio modo quam in quadrupedibus continetur. Neque vero id alia specie est in masculo et foemella, sed utrisque et tenues et candidi, ac pallidum continent humorem. Et utrisque eadem origo a pectore. Quem Aldrovandus appinxit dorsum habebat inter atrum et caeruleum medium, dentem superiorem triplo majorem inferiore. Vterque intus tuberculis caret, et utrinque est acutus.

*Reperiuntur* in mari, circa Sigaeon imprimis Athon et Ligustico. In Indico quatuor sunt cubitorum. Hyeme vero aprica littora sectantur, aestate in opaca gurgitum recedunt, petrosisque locis vivunt. In Ligustico nigricantes Pierius Valerianus conspexit.

Locus.

*Plin. H. N.* 1. 9. c. 3.  
*Arist. H. A.* 1. 5. c. 17.

*Videtur*